

Segun AVP, asino hopi Nel Oduber ta stima Betico:

"Betico: All The Best"

ORANJESTAD (AAN) "Pisca ta mui pa su boca! Siman pasa Nel Oduber a critica e hecho cu AVP no lo a mostra respet pa Betico tempo e ta na bida. E realidad ta cu AVP mas cu cualquier otro a muestra mas respet real pa e bida y trabao publico di Betico cu MEP mes' E dis-

cursonan cada aña di e lider di AVP, Henny Eman, y e discurso di siman pasa, a haci cu mas y mas Pueblo di Aruba,

amigo y contrincante di Betico, a cuminsa wak Betico manera e mester worde mira y warda den memoria di nos Pueblo.

"Como un gran luchador pa un meta grandi pa su isla y su Pueblo. Un homber cu a surpasa retonan y obstaculonan grandi pa sigui cu un lucha y hibe te na final. Un lider po-

litico cu ya no ta mas un lider di un partido, pero un simbolo nacional manera Henny a de-

scribie dos aña pasa caba. Un simbolo nacional pa henter nos Pueblo. Y no manera MEP y otronan ta purba pinte y use. Esta como un arma politico den un lucha di un partido cu no tin ni e filosofia ni e grandezza di su fundador Betico. Un partido cu no ta refleja e sentimentonan, e

pensamentonan, e idealismo di Betico.

HIPOCRESIA!

"Pero, mas cu tur esey, e hipocresia di e actual "lider" di MEP, Nelson Oduber, a keda demostra ora integrantenan di su propio partido (ainda), mes a bisa cu Nel no ta sincero ora e papia di Betico pasobra na mas cu un occasion Nel Oduber mes a acusa y ofende Betico di cosnan insincero y a desea Betico malo.

"Un di e bihlanan ta dia cu Nelson Oduber a bira lomba pa Betico y a dicidi di bandona MEP. Edia ey el a acusa Betico di ta hunga riba sentimentonan di Pueblo y di no ta papia berdad. Ora Betico a bise cu e por wel di bay, Nelson Orlando Oduber mes, e actual lider di MEP y heredero di e partido di Betico a bisa Betico: "ALL THE BEST", pero den un tono sarcastico y cinico. En realidad deseando Betico malo, pasobra Nel ya no tabata kere den e lucha y trabao di Betico.

"Pa awe Nel bin haci cu otronan no tin mag di papia di Betico of no ta sincero, ta otro muestra di e hipocresia y oportunismo tipico di Nelson Oduber. Algo cu ta destruyendo MEP y cu hasta den seno di MEP nan no kier tolera mas. Lastima ta cu den MEP no tin otro hende cu e inspiracion y e forza pa reemplaza Nel. Rudy Croes a purba y a faya, pa motibo di su falta di capacidad y pa motibo di e forma sushi cu Nel ta bringa y elimina tur esnan cu no ta cune.

"Pa Nel bo mester ta completamente di acuerdo cune y cune, y pe... sino bo por wel di lubida. Mihor hala leu e ora." Asina integrantenan den MEP (ainda) ta declara abiertamente awe. Un señal mas cu e futuro die partido ta malo. Pone acerca cu den henter e campaña aki MEP no a presenta ni un proposicion pa mehora algo na Aruba. Cu MEP no a presenta ni un idea of un plan constructivo, pero solamente ta critica, insinua, acusa, intimida y purba hinca miedo den hende, ta nifica cu MEP no por ta un partido pa Aruba confia aden. Na tur esnan cu ainda no a uni cu AVP, Tico Croes a declara: "Ainda no ta laat. Nunca ta laat. Puntura esnan cu ya a uni cu nos. E famia grandi di amigo y bisiñanan di AVP ta spera bo pa hunto nos sigui hiba Aruba padilanti. Aruba por cu AVP"